

经效产宝

景宋本經
效產寶下
番

仁餘萬邑



光緒七年

三月即行

婺源張君金城近購得日本所刻唐
節度隨軍胥殷撰集經效產寶書版
隨以印本眎余余讀其書凡上中下三卷
後附續編一卷書中著預作著藥避
唐諱而不避宋諱復攷新唐書藝文志
有博士胥殷著心鑑五卷或即斯人避殷
作商其為北宋本無疑日本邦人於醫家

舊籍考察最精近如北宋本千金方元大
德本千金翼方顯於滬上影宋本外臺祕
要購自粵東今得是書唐賢撰述並可
寶貴余家雖習醫苦於蒐藏無多茲就
所見書諸卷端至若方藥之合宜在乎明
哲者取擇焉光緒七年春正月歸安凌德
書於尚素軒



經效產寶卷之上

節度隨軍咎殷撰集

相國白幣家藏善本

○妊娠安胎方論第一凡拾壹道

療妊娠三四月腹痛時時下血

續斷捌分艾葉陸分炒當歸陸分

竹茹肆分干地黄陸分阿膠肆分炙

雞蘇肆分

右以水壹升煎取陸合去滓空心再服隔日更服

治妊娠六七月忽胎動下血腸痛不可忍

芎藭

捌分

桑寄生

肆分

當歸

拾貳分

右以水壹升半煎取捌合下清酒半升同煎
取玖合分作叁服如人行五六里再溫服
治姙娠下血時時漏血血盡子死

生地黃

汁叁合

清酒

叁合

右相和煎三四沸空腹分溫溫服

治姙娠心頭妨蕩兩脇脹不下食

檳榔

叁个

人參

肆分

柴胡

伍分

枳殼

肆分炙

肉豆蔻

貳分

生姜

貳分

桑寄生

肆分

右以水貳升煎取陸合分溫溫服

治妊娠身傷寒頭痛壯熱肢節煩痛

前胡 陸分

石膏 拾貳分

大青 肆分

子苓 伍分

知母 肆分

山梔 肆分

葱白 柒莖

甜竹如 叁分

右水貳升煎取捌合食後分溫三服

治妊娠胎動腰痛及下血安胎

當歸 肆分

芎藭 肆分

葱白 貳七莖

艾葉 貳分

茅根 陸分

鹿角膠 陸分炙

右水貳升煎取捌合空心熱喫三服

治妊娠損動安胎

鯉魚 壹斤

粳米 壹升

右作臠食之佳

治妊娠嘔吐不食兼吐痰水

生芦根拾分 橘皮肆分

生姜陸分

檳榔貳分

右以水貳升煎取柒合空腹熱服

治妊娠脇滿腹脹心胃煩見飢即吐漸加羸瘦

赤茯苓

前胡各肆分

小半夏肆分

生姜叁分

白朮壹分

大腹子伍个

麥門冬陸分 檳榔伍枚

紫蘇肆分

右水貳升煎取捌合空心分溫叁服

治妊娠常苦煩悶此是子煩宜服此方

伏苓 捌分

防風 陸分

知母 陸分

竹瀝 溫參胎

生門冬 拾貳分

右水貳升煎取柒合下竹瀝食後作兩服

治姙娠胎動不安煩悶

當歸 肆分

芎藭 叁分

阿膠 貳分炙

葱白 拾肆莖

桑寄生 肆分

右水貳升煎取捌合下阿膠空腹分兩服

○姙娠食諸物忌方論第二 凡五道

食雞肉與糯米共食令子生白蟲

食鯉魚及鷄子令子多疳

食羊肝令子多厄

食鴨子令子倒生

食鬼肉犬肉令子缺唇無音声

益氣滑胎令易產方論第三 凡壹道

潤胎益氣令子易生訶子丸

檳榔 捌分 芫薹 貳分

吳茱萸 叁分

訶子皮 叁分 蒸

右爲細末煉蜜爲丸如綠豆大空心酒下十九丸二十九自七八个月服至分解

○妊娠惡菹嘔吐不食方論第四 凡四道

論曰夫菹病之候心中潰潰頭眩眼眩四肢沉重解怠惡聞食氣好喫酸鹹果實多卧少起三

月四月多嘔逆肢節不得自舉者以此治之

人參 捌分

厚朴

陸分炙

茯苓

拾叁分

葛根

捌分

白朮

拾貳分

橘皮

陸分

生薑

拾壹分切

右水柒升煮貳合分溫參服忌桃李醋等物

治妊娠三四月嘔吐惡聞食氣

橘皮

青竹如

生薑

茯苓

白朮

各貳兩

右水陸升煎貳升分溫參服忌同前

治妊娠蘊病心中潰悶見食嘔吐憎聞食氣肢

節煩疼身躄沉重多卧嗜睡黃瘦方

人參

橘皮

各捌分

茯苓

拾貳分

生姜

拾貳分

甘草

拾貳分

大棗

拾貳枚

生麥門冬子

貳拾分
去心

右水伍升煎取貳升分溫參服忌菰菜醋等

凡妊娠惡食者以所思食任意食之必愈

○胎動不安方論第五

凡十八道

論曰安胎有二法因母病以動胎但療母疾其胎自安又緣胎有不堅故致動以病母但療胎則母瘥其理甚效不可違也胎不動不知子死生者但看母唇口青者兒死母活口中青沫出者子母俱死口舌赤青沫者母死子活也

療胎數落而不結實或冷或熱

甘草

參兩

黃耆

人參

白朮

芎藭

乾地黄

吳茱萸

各貳兩

右爲末空腹酒調貳錢忌菰菜醋等物

治胎動不安

好銀

煮取水

右着葱白作羹食之佳

治胎動下血心腹絞痛兒在腹死活未分服此藥死即下活即安極妙

當歸

參兩

芎藭

陸兩

右水四升酒參升煮取參升爲三服

治妊娠三二月及七八月胎動不安或腰肚痛有血下

芎藭

當歸各肆兩

艾葉貳兩

甘草壹兩

阿膠貳兩炙

右水五升煮取二升分溫三服古方无艾葉

治妊娠搶心下血不止腰腹痛不可忍

上銀壹斤水壹斗煎取柒升

芎藭肆兩

當歸肆兩

阿膠叁兩

生地黄伍兩

右以前銀水煮取二升分三服

治妊娠无故胎動不安腹內絞痛

葱白 切壹升

阿膠 叁兩炙

當歸 四兩

川芎 四兩

桑寄生

右取銀水柒升煮藥取貳升半分三服

治姙娠五六月胎猶不安不常處

白朮 叁兩

厚朴 貳兩

旋復花 壹兩

黃芩 貳兩

茯苓 叁兩

生姜 貳兩

枳殼 貳兩

芍藥 貳兩炙令黃色

右以水柒升煮取貳升半分食後分溫五服

治胎動不安

熟艾 貳兩

葱白 切壹升

阿膠 貳兩炙

右水肆升煮取壹升半分溫兩服

又方

芎藭貳兩

葱白切壹升

右水柒升煮取貳升半分溫三服

治妊娠冷熱腹內不調致胎不安

當歸參兩

乾姜參兩

芎藭肆兩

艾葉貳兩

右水肆升煎取貳升分爲四服

治妊娠經八九月或胎動不安因用力勞乏
心腹痛面目青冷汗出氣息欲絕由勞動驚胎
之所致也

釣藤貳兩

伏神

人參各貳兩